

禪

月

集

禪月集卷第十三

浙江東道婺州蘭谿縣和安寺西岳題紫蜀國禪月大師貫休述

五言律詩三十二首

寄山中伉禪師

秋寄拙一

懷匡山山長

懷高貞動

江行作

送僧歸華山

送友生之嶺外

江陵送盧舍人上馮使君

送令狐赴闕

送吳貲外赴闕送姚拾遺赴京

送僧入石霜山

送僧歸南康送陳進士

送友生歸台州

黔中寄張侍郎黔中寄葉使君

送盧進士赴舉

聞新蟬寄桂雍懷寄楚和尚

和韋相公陳事

寄山中伉禪師

舉世遭心使吾師獨使心
萬緣冥目盡一句不言深

野火燒禪石殘霞照栗林秋風溪上路終願一相尋

秋寄栖一

一別一公後相思時一吁眼中瘡校未般若偈持無
公時有眼瘡因勸之念多心經卷句冰團火爐煙壓極麤勸君君記取不用更他圖

懷匡山山長二首

白石峯之半先生好在麼卷簾當大瀑常恨不如他杉鏤龍涎溢潭均石髮多吾皇搜草澤爭奈謝安何

二

見說面前峯尋常醉亦登雨餘多菌出燒甚古崖崩覓句曾衝虎耕田半爲僧聞名多歲也常恨不飛騰

懷高貞動二首

知爾今何處孤高獨不羣論詩唯許我窮易到無文

貫酒兒穿雪尋僧月照雲何時再相見兵寇尚紛紛
久別無消息今秋忽得書諸孤婚嫁苦求已世情踈
亂甚無喬木溪多不釣魚祇應今岳色如爾復如余

秋末入匡山船行 八首

楚國茱萸月吳吟梨栗舫遠遊無定所高卧是何年
浪卷紛紛葉檣衝澹澹煙去心還自喜廬岳倚青天
蘆葦深花裏漁歌一曲長人心雖憶越帆態似浮湘
石槿街魚白汀茅浸浪黃等閑千萬里道在亦無妨
島上誰家住茅茨竹戶開黃桑雙鵲喜白日有誰來
擔浪澆秋芋緣灘取淨苔迴頭深自媿舊業本蒿萊
匡阜層層翠脩江疊疊波從來未曾到此去復如何
水廟寒鷗集沙村夕照多誰如垂釣者孤坐鬢眉皤
晚泊蒼茫浦風微浪亦麤估誼如亥合檣密似林枯

地峻湖無潮寒蚌有珠東西無定所何用問前途
島香思賈島江碧憶清江囊裏誰相似饒慵世少雙
鼉驚入窟月燒到繫船椿謾有歸鄉夢前頭是楚邦
南北雖無適東西亦似萍霞根生石岸象跡壞沙汀
莽莽蒹葭赤微微蛭蛤腥因思范蠡輩未免亦飄零
曉色千檣去長江八月時雨淙山骨出棹擲岸形卑
野水畚田黑荒汀獨鳥癡如今是清世誰道出山遲

送僧歸華山

心枯納亦枯歸岳揭空手五七貴留不住孤雲出便孤
燒灰猶湯足雪片側黏鬚他日如相覓還應到道吳
送友人之嶺外

五嶺難為客君遊早晚迴一囊秋課苦万里瘴雲開
金柱根應動南風船欲來明好莫滯長卿才

送盧舍人朝覲

羶行無爲日垂衣帝道亨聖真千載聖明必万年明
重德須朝覲流年不可輕洪才傳出世清甲得高名
罕玉藏元暎嵒松畫不成起銜軒后勅醉別亞夫營
燒闊荊州熟霞新峴首晴重重堯雨露去去漢公卿
白髮應從白清貧但更清夢緣丹陛險春傍彩衣生
旣握鍾繇筆須調傳說羨儻因星使出一望問支鏗

上馮使君山水障子

憶山歸未得畫出亦堪憐崩岸全隳路荒林半有煙
筆鈎崗勢轉墨槍燒痕顛遠浦深通海孤峯冷倚天
柴棚坐逸士露茗煮紅泉繡與蓮峯竟威如劒閣牽
石門闕塵麋氣候有神仙茆屋書窻小苔階瀑滴圓
松根擊石朽桂葉蝕霜鮮畫出欺王墨擎手將獻惠蓮

新詩寧妄說舊隱實如然願似窓中列時聞大雅篇
送令狐煥赴闕

渚宮搖落日相送碧江湄陟也須爲相天乎更賛誰
風高檣力出霞熱鳥行遲此去多來客無忘慰所思

送吳融負外赴闕

漢文思賈傳賈傳遂生還今日又如此送君非等閑
雲寒猶惜雪燒猛似烹山應笑無機者騰騰天地間
送姚洎拾遺自江陵幕赴京

捧詔動征輪分飛楚水濱由來真廟器多作伏蒲人
捨魯知非願朝天不話貧沙頭千騎送島上一蟬新
莫使身侵貴無矜貴逼身玉階凝正色蘭苑漲芳塵
鑾輅方離華車書漸似秦流年飄倏忽書札莫因循
涼雨鳴紅葉非煙閉紫宸憑將西社意一說向荀陳

送僧入石霜

舉世祗堪吁空知與道俱論心齊至聖對境破城凡

夫業王如雲合頭低似箭驅

牛頭大師云猶妄心起業業如雲俱合論云入地獄人頭向下也

三清徒忘想千載亦須臾唯我流陽叟深雲領義徒

盡騎香白象皆握月明珠

密排松榻爛斑半雪鬚

苔侵長者論嵐蝕祖師圖翠巘金鍾曉香林寶月孤

兢兢齊白趾赫赫共洪爐山色鋤難盡松根踏欲無

難評傳的的須到不區區撩舍新羅瘦爐煙櫓拙麕

燒畚平虎窟分瀑入香厨師去情何切人間事莫拘

穿林宿古塚踏葉揭空盂無事終無事令枯便合枯

昔鳥窠和尚云无事无云學向上事不入即湏如枯木

為法道好也

他年相覓在亦不是生蘇

送僧歸南康

殼殼學得律還鄉見苦情遠思芳草盛不入楚山行

帆入汀煙健經吟戌月清到鄉同學輩應到贛江迎
送陳秀才赴舉兼寄韓舍人

主聖臣賢日求名莫等閑直須詩似玉不用力如山
草白兵初息年豐駕已還憑將安養意一說向曾顏
昔西社羣公盡生
安養安養西方也

送友人及第後歸台州

得桂爲邊辟翩翩頗合宜嫖姚留不住畫錦已歸遲
島側花藏虎湖心浪撼棊終期葉頂下共禮淥身師
天台山橋有白道
猷坐化身淥也

春晚寄張侍郎

遐想涪陵岸山花半已殘人心何以遣天步正艱難
時昭宗
在岐下鳥聽黃袍小黃袍
禽也城臨白帝寒應知窻下夢日

日到江干

寄景判官兼思州葉使君

獨住孤峯半尋常欲下難石多桐屐獻齒香甚藥花乾
荏苒新鷄老窮通亦自寬髣髴參與短簿始爲一吟看

送盧秀才應舉

幾載阻兵荒一名終不忘還衝猛風雪如畫冷朝陽

時多畫李白王昌齡常建冷朝陽冒風雪入京

句好慵將出囊空却不忙明年公道

日去去必穿楊

聞新蟬寄桂雍

新蟬中夜叫嘒嘒隔溪漬杜宇仍相雜故人聞不聞
卷簾花動月冥目砌生雲終共謝時去西山鸞鶴羣

寄懷楚和尚二首

吾師師子兒而復貌瓌奇何得文明代不爲王者師
鐵盂湯雪早石炭煮茶遲謾有參尋意因循到亂時

跳擲諸峯險，徊翔萬里空。爭將金鎖鎖，那把玉籠籠。
印缺香崩火，窓疎蝎喫風。永懷今已矣，吟坐雪濛濛。

和韋相公話婺州陳事

昔事堪惆悵，譚玄愛白牛。

法華經中以白牛喻大乘

千場花下醉，一

片夢中遊。耕避初平石，燒殘沈約樓。無因更重到，且副濟川舟。

禪月集卷第十三

禪月集卷第十四

五言律詩三十二首

遇五天僧入五臺五首

十萬里到此，辛勤詎可論。唯云吾上祖，見買給孤園。
一月行沙磧，三更到鐵門。白頭鄉思在，迴首一銷魂。
雪嶺頂危坐，乾坤四顧低。河橫于闐北，日落月支西。

水石香多白猿猱老不啼空餘忍辱草相對色萋萋
遠禮清凉寺尋真似善才身心無所得日月不將來
白疊還圖像滄溟亦泛杯唐人亦何幸處處覺花開
塗足油應盡乾陀帔半隳辟支迦狀貌利利帝家兒
結印魔應哭遊心聖不知深嗟頭已白不得遠相隨
送迎經幾國多化帝王心電激青蓮目環垂紫磨金
眉根霜入細梵夾蠹難侵必似陀波利他年不可尋

經普化禪師影院

大一今何處登堂似昔時曾蒙金印印得異野干兒
影束龍神在門荒桐竹衰誰云續僧史別位著吾師

秋寄李頻使君

二首

爲郎須塞詔當路亦驅驅貴不因人得清還似句無
燒煙連野白山藥撈堦枯想得徵黃詔如今已在途

務簡趣難陪清吟坐綠苔葉和秋蟻落僧帶野香來
留客朝嘗酒憂民夜畫灰終期冒風雪江上見宗雷

上東林和尚

讓紫歸青壁高名四海聞雖然無一事得不是要君
道祇傳伊字詩多笑碧雲應憐門下客餘力亦爲文

江邊道士

獨住大江濱不知何代人藥爐生紫氣肌肉似紅銀
酒釀竹屋爛符收山鬼仁何妨將我去一看武陵春
送僧之湖外

去古趣非常春風爾莫狂唯擎一鐵鉢舊亦講金剛
午飯孤煙裏宵禪大石傍羨師終不及湘浪淥茫茫
懷謬獨一

常憶蘭陵子環竒皴渴才忘還如我苦時不爲伊來

岳霞猱擲雪湖月浪翻杯未聞雪導祿此事亦堪哀
送廬山納僧

擎錫下崆峒清高世少雙凍天方篩雪別我去何邦
燒遶赤烏亥雲漫白蚌江路人爭得識空仰髣髴眉龐

寄西山胡汾吳樵

帶經鋤壠者何止手胼胝覓句句句好慙余筋力衰
雲堆臨案冷鹿隊過門遲相憶空迴首江頭日暮時
休糧僧

不食更何憂自由中自由身輕嫌納重天旱爲人愁
忌器誰將去生臺蟻不遊會須傳此術相去老山丘
送杜使君朝覲

借冠借不得清聲徹帝聰坐來千里泰歸去一囊空
遺愛封疆熟攀轅草木同路遙山不少江靜思無窮

花軻衝雲濕朱衣照浪紅援毫兩岸燒歌枕蒲旗風
道罕將人合心唯與聖通從茲林下客應 代天功

送人之嶺外

見說還南去迢迢有侶無時危須早轉親老莫他圖
小店蛇羹黑空山象糞枯三閭遺廟在為我一嗚呼

題弘式和尚院兼呈杜使君

二雅兼二密惛惛祗自怡臘高雲屐朽貌古畫師疑
塹蟻緣金錫爐煙惹雪眉仍聞有新作祗是寄丘遲

湖頭別墅三首

梨棗鳥啾啾高歌苦自由人誰知此意舊業在湖頭
飢鼠掀菱殼新蟬避栗皺不知滄海上戈甲幾時休
桑柘叅桐竹陰陰一逕苔更無他事出祗有納僧來
塹蟻爭生食窻經卷燒灰可憐門外路日日起塵埃

南北如仙境東西似畫圖園飛青啄木簷挂白蜘蛛
鄰叟教修壩牛童與納租寄言來往客不用問榮枯

三峽聞猿

歷歷數聲猿寥寥渡白煙應栖多月樹況是下霜天
萬里客危坐千山境悄然更深仍不住使我欲移舡
聞知聞赴成都辟請

文翁還化蜀弈幕列鴛鸞飲水臨人易燒山覓士難
錦機花正合梭蕈火初乾知己相思否如何借羽翰
題淮南惠照寺律師院

儀冠凝寒玉端居似沃洲學徒悟有鳳律藏目無牛
茗滑香黏齒鍾清雪滴樓還須結西社來往悉諸侯
秋末長興寺作

荒寺古江濱莓苔地絕塵長廊飛亂葉寒雨更無人

粟不和皴落僧多到骨貧行行未得孤坐更誰親

寄杭州靈隱寺宋震使君

罷郡歸侵夏仍聞靈隱居僧房謝眺語寺額葛洪書

昔道士葛洪與靈隱寺書額了去至今在

月樹狻猴睡山池菡萏踈吾皇愛清

靜莫便結吾廬

送人歸夏口

鴈鴈葉紛紛行行豈易聞千山與萬水何處更逢君
貌不長如玉人生祇似雲儻經三祖寺一爲禮龕墳

送新羅僧歸本國

忘身求至教求得却東歸離岸乘空去終年無所依
月衝陰火出帆撈大鵬飛想得還鄉後多應著紫衣

避寇入銀山

草芊穿銀峽崎嶇路未諳旁山無店戍永日遶溪潭